

古
詩
賞
析

古詩賞析序

詩教開於三百學允盛於
李唐三百尊為經而後進
所奉為主臬者大抵皆李
唐詩也若是則三百外李
唐前之古詩可姑置乎而
正不然蓋不讀古詩則三

百之遺佚支流不悉而李
唐來古今判體之淵源不
彰詩且中缺矣前人有見
於此者專輯古詩而疏解
之意良是也雖然有難寫
披沙揀金則真識難理絲
入扣則懸解難達姑亦難

余嘗覽輯解古詩諸家本
注、擇不精言不詳而歎
古詩之轉注蒙晦久矣在
歲癸未移居雪輿與表兄
楊雪邨隣曲過從輒論及
此雪村曰余之以唐詩解
本甚當意者將究心焉子

盡力任古詩共津逮於方
來乎余時應之然終畏其
難遲下手既乃自念曰以
竟逆志孟子說詩之法可
師也先難後獲孔子為仁
之方可例也士必有志竟
成耳何畏憚為於是揣揣

譚陋奮然從事廣搜約採
而佳章呈統核分疏而妙
諦出而且為之題箋句釋
體正韻釐務使閱者了然
心目而心蓋數年來應事
稍暇時而口吟時而手搜
時而昂首凝思時而掀髯

得意者不知幾經晨夕而
二十二卷者始脫稿則信
矣說詩之果難也則信矣
立志之足恃也書既成因
取淵明移居詩語名曰賞
析而質之雪邨雪村曰子
是書也洵能賞竒析疑為

三百外李唐前之古詩搜
蒙洗晦矣津逮方來不中
缺矣余所解唐詩名曰繹
上即次卒業將質之子而
並同於世余聞之且慙且
喜爰撮其大略并諸簡端
而更條述凡例以誌其詳

馬

乾隆歲次壬辰仲春望日

吳縣張玉穀蔭嘉氏自
題於存養寓齋

凡例

馮氏詩紀。備載皇古以至有隋之詩。俾不廢墜。洵
懋厥功。然學者苦望洋矣。嗣後臧氏詩所。曹氏陳
氏詩選。遞加刪汰。終尚繁多。其他詩解。詩歸詩鏡。
詩淘詩發等書。亦持擇欠善。茲集意務取精。爲作
詩程度。故所收甚隘。敢曰舉隅。聊資觸類耳。
箴銘戒誦祝辭。繇辭等。不入樂府。本詩之雜體也。
然後人多不混詩中。故茲選亦惟登古作。

四言詩。肇自唐虞。非肇於三百也。漢後五言盛行。

四言遂少。惟淵明所著不失雅音。集中所收爲多。外此則僅登矣。

唐虞三代雖有五言。非正體也。漢之蘇李十九首。始堪典則。嗣後作者踵興。各有佳製。然風會遞殊。迨至南朝之梁。以降北朝之周齊時。第工琢句。格平氣靡。古意漓矣。愚於茲體。略後詳前。數厥大家。不過魏之陳思王。晉之左記室。陶彭澤。宋之謝康樂。鮑參軍。齊之謝吏部六人。其他散金碎玉。固亦並登。抗手比肩。求之不易。

七言古詩必至李唐始爲大備。不特唐虞三代之歌謠祇是濫觴。卽自漢訖隋間有茲體亦爲過峽而已。本屬寥寥。選非從刻。

漢武始立樂府。兼采風謠。後世因之。雜體百出。詩紀所載雖備。而位置錯雜。讀之茫然。其體例可尋者。則有太原郭茂倩樂府詩集。豫章左克明古樂府。西吳梅鼎祚古樂苑。吳興臧懋循詩所四書。同起上古。而郭書則下逮李唐。義取全載。左梅臧皆自隋劃界。左則更有刪削。固皆樂府之囊括也。顧

核其條例。互有優劣。郭書分門十二。曰郊廟歌辭。燕射歌辭。鼓吹曲辭。橫吹曲辭。相和歌辭。清商曲辭。舞曲歌辭。琴曲歌辭。雜曲歌辭。近代曲。雜歌謠辭。新樂府。梅書無近代曲。新樂府二門。蓋新樂府。皆唐後作。在梅自宜不載。至近代曲。隋時作少。自可并入雜曲歌辭。唐時作多。自可并入新樂府。郭另列門爲劣。不若梅書將隋時所作。并收入雜曲歌辭之爲優也。而雜歌謠門中。另立仙歌謠鬼歌謠二小門。亦是優處。左書於近代曲新樂府外。更

削去郊廟燕射二門。而以雜歌謠辭爲古歌謠辭。
列門第一。郊廟燕射歌辭。樂府正聲左全逸之。劣
也。臧書分體。與梅書同。唯琴曲雜曲之間。另立古
歌一門。不并入後雜歌謠中。則是其劣處。茲集歸
門入類。務從所優。題下註明源流。可略見矣。

郭書義取全載。而脫落處頗多。如琴曲門中逸去
孔子龜山樂操二曲。雜曲門中逸去竇立妻古怨
歌。魏明帝種瓜篇。陳思王棄婦篇。無名氏休洗紅。
雜歌謠門中逸去陶嬰黃鵠歌。韓憑妻何氏烏鵲

歌。答夫歌等。不可枚舉。其他魯魚亥豕。更隨處皆是。蓋毛氏鐫書。絕不校對故也。茲集補采。皆據左梅臧三書。不復細注。

樂府亦有四言五言七言雜言諸體。其不與詩同者。厥有兩端。一在音節。詩之音節多和平。樂府音節多凌厲也。一在體裁。詩自達其情。樂府則有關乎一代典制。無預已身者。詩止述言。樂府則兼有敘事者。詩卽述幾人之言。總以己身爲主。樂府則有歷敘幾人之言。而無分賓主者也。然此亦論其

大較耳。雜歌謠曲多半原詩。後擬古題。面目盡變。分疆劃界之中。原自可會通觀也。

樂府以漢古辭爲極則。自魏以下。悉心持擇。大約以氣骨厚。意味長者爲主。不濫登也。其間有姓名作者。則斷以陳思王。鮑參軍爲兩大宗。

樂府中有題不切事。如漢鏡歌。本係軍中所奏之樂。乃十八曲中。絕無張大軍容。激厲士氣之作。之類是也。有辭不切題。如蔡邕飲馬長城窟行。止言聞怨。魏武帝薤露蒿里兩行。竟述何進二袁之事。

之類是也。有題目離奇辭亦初不切題。如橫吹曲辭之企喻清商曲辭之來羅之類是也。既難無解而索解愚亦惟就詩以論詩云。

樂府有創作改作擬作三種。創者此題起於此辭也。改者改古題爲新題也。擬者卽用古題擬其意而作也。當識區分毋誤揚摧。

選詩或分體而次其人之前後以隸之。或分人而次其詩之各體以隸之。必較若畫一乃善。若詩紀於唐虞三代之作目曰古逸。則分體於漢以後之

詩則分人於例固亂而臧氏曹氏陳氏等書或主分體或主分人然其中率多牽混爲例不純愚是書以逐體分晰則太繁雜第分樂府古詩則箴銘戒誦祝辭繇辭等又無從位置故主分人而所以與前諸書異者則條辨如左

分人必先分代唐虞三代自有國號可以標題何必謂之古逸豈卿雲南風擊壤康衢等作皆孔子刪詩所逸者乎且何以處孔子以後詩乎名義不安莫此爲甚愚則一準漢以後例明揭唐虞夏商

周國號以清界限。

就一代中分人。固當依時詮次。然君臣體殊。男女位別。方內方外。尤不可混。茲書則先帝王次宗室。次詩人。則以時敘次。閨秀次方外。間有仙鬼詩。則附於末。惟無名氏實有二種。一則古謠古諺。絕不知爲何等之人。且生於此代之何時者。則直以無名氏標之。列於方外之後。一則雖無姓名。尚有依傍。可知其爲何時何等之人。若唐時爲擊壤歌之老人。爲康衢謠之兒童。虞時爲八伯歌之八伯。周

時之宋城者。楚漁父之類。則就其人約略標之。隨時編次於詩人之中。蓋本有區分。非同錯亂。至每代后妃貴嬪婕妤等。列閨秀中。而仍不與諸閨秀時次。亦於其類自別尊卑也。

詩既以人次。則一人之詩。不得離立矣。故虞帝卿雲歌。及載歌。不依諸本以八伯歌介入。宋城者。謳及又歌。亦不依諸本以華元使驂乘答歌介入。

詩雖分人而隸。而體不可混也。茲就一人中。先次古詩。自四言以至五言七言雜言。以次而列。次樂

府則依前論四家樂府所編門類亦依次而列。若古詩樂府並出無名氏手亦先列無名氏古詩次列無名氏樂府。卽非一人所作亦止於古詩前總標一無名氏樂府前總標一無名氏不逐首分標。此四條是書就代敘人卽人別體之大槩也。

題目不明則詩意不顯。茲集於古詩題下則采諸家舊說間以己意注之。於樂府題下則采樂錄解題琴操諸書且注明是題係樂府之何歌何曲何辭。疏通證明務歸曉暢。

注書之法。不外考核故事。印證時事。疏解名物。條達意義四種。此書於必當注者注之。其習見者。則不置喙。庶幾繁簡得宜。

詩後之解。是講是詩之如何佳妙。俾讀者識步趨也。摘句空贊。固無當於通體作法。順文滾解。則其中虛實順逆提掇照應。種種道理。亦何由達出。鄙解必沉潛反覆。實見得是詩因何而作。立定主意。然後逐節批導其却欸。務使當時作者用意深曲。運筆詭變。製局奇橫。措辭精警之處。無不顯豁呈

露而止。豈曰言皆破的。亦求免顛預了事之譏。
詩愈古。則用韻亦愈古。韻不安。詩不安也。今世通
行韻本甚多。其講通韻叶韻。咸奉邵青門古今韻
略爲準。其例平聲則東冬江通。支微齊佳灰通。魚
虞通。真文寒元刪先通。蕭肴豪通。歌麻通。陽獨用。
庚青蒸通。尤獨用。侵覃鹽咸通。上聲去聲準此。入
聲則屋沃覺通。質物曷月黠屑通。藥獨用。陌錫職
通。緝合葉洽通。共分三十五部。每部各載叶字於
後。似甚備矣。然愚嘗取證集中所選之詩。其韻多

有佚於所通所叶外者。旣不可槩指爲叶。又不可任其無韻。悶悶久之。後得毛西河古今通韻閱之。其講古韻。凡有四種通法。曰五部。曰三聲。曰兩界。曰回互。四種尚不可通。則有三聲兼及四聲。二聲兼及三聲。兩種叶法。以之印合。眞覺頭頭是道。無一首不可安韻。爲之大快。顧毛書雖經進呈。

御覽。命刊行世。而見者絕少。因逐首核對。凡用韻係邵氏不通而毛氏通者。一一注明。此係第幾部通。係第幾部三聲通。係第幾部與第幾部兩界通。

第幾部去聲與入聲回互通。惟不通而叶者。愚更推廣毛氏之意。分爲六種。一一注明。且以毛氏原書通韻之目。論叶之例。及愚所訂叶韻之目。論叶之例。另錄附之例後。使共通曉。一則爲讀是書者。解其無韻之疑。一則爲見毛書者。堅其信從之意。毛氏書爲韻學功臣。余是書不知可爲毛氏之功臣否也。

誦其詩而不知人。論世。人晦詩亦晦矣。故詩人平生略節。必與表明。詩所所編。繁簡頗當。余更核對。

史傳稍加增損。

運章詩有一意承接前後照應如陳思王贈白馬主彪陶彭澤勸農之類有觸興無端不必連絡如阮步兵詠懷左記室詠史之類茲集雖皆各有去取然必於題下注明本係幾首今選幾首於一意承接者更注明所以去取之故庶讀者得識本來兼明作法。

詩紀別集載前人詩話甚多純駁不一余間有采掇散見各人各詩以資論辨。

書中以圈點標其精勝。以鉤勒清其段落。雖非古體。然行間字裏。醒目爽心。實良法也。茲集倣而用之。夫亦何傷大雅。

玉穀智短術淺。從事茲書。雖自信頗盡厥心。豈敢謂竟無漏義。乃謬蒙諸同學競相許可。而及門蔣生德融。德明。昆仲暨王媛。佩霞。醵金固請付梓。遂出問世。惟大雅君子諒其顚固而教益之。是所望也。

樂圃居士贅述

附論古詩四十首

夫子刪存三百篇。幾經註解表前賢。更於此外窮源委。敢軼無邪兩字詮。

白帝皇娥唱和歌。子年記載渺茫多。何如擊壤彈琴作。斷自唐虞庶不訛。

禹牒辭真饒古藻。湯盤銘洵發精思。七言三字探星宿。須讀寥寥兩代詩。

一曲龜山感慨生。須知孔思續周情。後人爭誦昌黎作。可似當年布指聲。

考父恭傳三命中。搖頭優孟亦詞工。可知當日輶軒使。列國原多失采風。

雅頌聲沉騷體興。大風垓下尚相仍。古詩樂府分元氣。正體昭垂始茂陵。

韋孟王嬙著四言。直從風雅探淵源。踵興最數陶彭澤。文選遺收可是冤。

五字開山李與蘇。李清蘇厚却微殊。當時擬作雖傳後。魚目終難混寶珠。

衆妙兼該十九章。津梁六代壓三唐。怪他摘句論

佳處孝伯胸中欠主張

當時協律選奇才。郊廟新歌雲漢回。直到開皇朝。
有作古音誰嗣九重開。

漢曲多訛自昔傳。闕疑方許見真詮。可憐有客拋。
心力。遍把饒歌作鄭箋。

唐代張王樂府名。離奇奧衍亦堪驚。邇來觀海難。
爲水爲讀孤兒婦病行。

飲馬長城絕唱雙。陳琳寧肯蔡邕降。後除楊帝稱。
餘勁都算洪鐘蕤亂撞。

文姬才欲壓文君。悲憤長篇洵大文。杜老固宗曹。
七步辨香可也。及釵裙。

秋胡詩與木蘭詩。梁宋爭誇幼婦辭。妒殺東南飛。
孔雀已傳絕作建安時。

老瞞詩格極雄深。開魏猶然殿漢音。文帝便饒文。
士氣短歌試各百回吟。

椽筆陳思孰與同。氣吞七子建安中。遣山從說劉。
公幹我道還應拜下風。

公讌詩篇開應酬。收羅何事廣蕭樓。德璉別有超。

羣筆一雁雲中獨唳秋。

魏末高才聚竹林。步兵詩筆固崎嶇。吟懷自喜多
多善韓信。終防高帝擒。

鬪靡誇多數。陸潘世人瞠目海江寬。興公淺淨深
蕪論。猶恐難迴旣倒瀾。

論古須參已性情。驚人尤仗筆縱橫。太冲詠史真
觀止。說與袁宏莫浪爭。

遊仙意在厭囂塵。郭作原非詠列真。若據鍾嶸詩
品說。後來反合讓堯賓。

并州刺史洵詩豪。亂後篇章格更高。可惜盧諶從事久。不曾傳得筆如刀。

平處都奇淡。却腴柴桑翁筆最難模。東坡未入王韋室。和遍陶詩得似無。

新聲子夜繼山山。讀曲言情總一般。若說歡儂乖雅調。國風鄭衛也應刪。

委巷常談笑惠休。鏤金錯采愛辭脩。但愁過鍊傷真氣。水小何能物畢浮。

搜山剔水思何窮。遊覽篇章服謝公。我取詩文參

錯證柳州小記庶同工。

拏龍跳虎鮑參軍。七字九蒸筆底雲。分取一端能
俊逸。青蓮已是思超羣。

竟陵八友枉相招。國步移時別輔蕭。天奪宣城年
有意。要畱才傑霸齊朝。

詩人梁代產寧希。琢句爭工古意微。武帝清才真
首出。高歌幾嗣白雲飛。

駕范凌任沈隱侯。詩雖中品邁時流。魏收枉有求
全毀。較比渠詩可是優。

古詩集卷之四
夢還錦筆事荒唐。卽証江郎擬古章。神似豈無佳
妙作。偏生非郭亦非張。

月旦從來每有訛。齊名那得定陰何。春雲靄靄遙
空展。水部優於常侍多。

詩須績學始能工。也要靈根具此中。侍宴沈曹畱
傑句。武夫合笑老冬烘。

北音激楚本天然。高調陰山敕勒川。誰說南風真
不競。試聽鼓角奏新篇。

陳隋帝主競淫哇。正體中原少大家。難得千金巾

幙者書屏高響振胡沙。

清新綺麗縱難能。那是詩家最上乘。北地寡材長
易見。蘭成且莫恨填膺。

心畫心聲總失真。古來豈獨一安仁。老奸巨猾隋
楊素。筆底偏涵盎盎春。

五季爭趨對仗嚴。也難泥古盡憎嫌。長篇竟作唐
排讀。心醉立卿昔昔鹽。

論量敢詔見能真。且質無花老眼人。唐後體裁今
古判。興來尚擬一狂陳。

毛氏古韻目例

一五部三聲通轉

五部卽五音也三聲謂平上去

也平上去相通而入聲不通謂

之三聲五部爲正通之

經三聲爲正通之緯

第一部

三聲在內後倣此

東冬江陽庚青蒸

七韻一通轉

董腫講養梗迴拯

送宋絳漾敬徑證

入屋沃覺藥陌錫職

已上橫爲各三聲統爲合三聲後倣此

七韻中隨意各通無所拘限見各部內

第二部

支微齊佳灰魚虞歌麻尤十韻一
通轉

紙尾薺蟹賄語麌哿馬有

寘未霽卦泰隊御遇箇禡宥

十韻中支微齊佳灰另作一通魚虞歌麻雖與支微齊佳灰俱通用其自通處見第

三部

第三部

箇禡

哿馬

語麌

魚虞歌麻

八韻一

魚虞

蕭肴豪尤

通轉

御遇

篠巧皓有

嘯效號宥

八韻魚虞歌麻爲一通魚虞蕭肴豪尤爲一通然總作一部若魚虞又與支微齊佳灰爲一通則在前部矣總之十三部無入聲者皆連環通轉而魚虞則又相通之紐繫耳

第四部

眞文元寒刪先

六韻一通轉

軫吻阮旱潛銑

震問願翰諫霰

入聲質物月曷黠屑

第五部

侵覃鹽咸

四韻一通轉

寢感琰琰

沁勘豔陷

入聲緝合葉洽

兩界回互通轉

有入十七部自爲一通無入十

三部自爲一通是兩界通也回互卽兩合以去之無入十三部與入十七部互合而平上不與焉兩界爲閏通之經兩合

爲閏通之緯

有入十七部

第一部合第四部

十三韻一通轉

第一部合第五部

十一韻一通轉

第四部合第五部

十韻一通轉

無入十三部

第二部合第三部

十三韻一通轉

回互通轉

即兩合也又名二聲

去聲無入十三部合入聲十七部

論例一條

叶韻祇取韻中一二字通押。然必其韻本不可通。

一而偶從通之。如三聲不及四聲。而此偶及之。謂

之四聲之叶。如東之叶國是也。

國爲職韻之入與東部字叶詳

見東部

二聲不合三聲。而此偶合之。謂之回互

之叶。如東之叶調是也。

嘯與屋本二聲回互。而調爲嘯之平聲與東部

字叶是及三聲矣

詳見東部叶韻 叶韻止此二例。且又必於二

例中擇其韻之必可通者。如東冬江陽多與魚

虞蕭肴豪九叶。

御遇嘯效號與屋沃覺藥爲回互故中原音韻竟以屋沃爲魚

虞之入。顧氏古音表則以屋沃爲蕭肴豪之入。

是有入雖有三大部。無入有二大部。而其可通之蹤蹟。另有在也。其詳見

去聲嘯部及入聲屋部下。

支微齊佳灰多與真

文元寒刪先叶真未霽泰卦隊與質物月曷黠屑爲回互故顧氏古音表以質

物六韻爲真未六韻之入其相通蹤蹤詳見平聲真部及入聲質部又必擇偶

通之韻中其字形字聲蹤蹟原可取叶者如東韻叶

調肴韻叶農支韻且必其字爲古所嘗叶如東

叶民真韻叶旂類調則毛詩弓矢既調射夫既同離騷求矩矱之

所同摯咎繇而能調肴豪之叶農則潘岳賦薄采其茅言藉其農東哲賦各區始叶之想當時

別而異曹美莫當乎勸農類必有一定之文限韻限字者今亡之矣茲但就

諸書可按者大約東冬江陽與魚虞蕭肴豪尤

叶詳各部下蕭肴豪尤與東冬叶魚虞與陽庚青蒸

叶。詳各部支微齊佳灰。與真文元寒刪先叶。間及

庚青蒸。

回互陌錫職與真味五部獨多不及屋沃覺藥故中原音韻以陌錫職爲支微

齊佳灰之入。

餘詳各部下。真文元寒刪先與支微齊佳灰叶。

間及歌麻。

回互惟質物六韻間及箇禡故中原音韻以質物月曷黠屑爲歌戈之入

餘詳各部上去倣此。

穀按西河先生論例共二十三條其論五部

三聲兩界回互俱有專條各部引證甚悉茲

因前目已明不復具載此條則專論叶韻特

摘錄以備叶法其論創闢諦當真可遵循惟

是止言東之叶國。東之叶調兩種。則義雖已括。而例尚未詳。何則。東之叶國。國在職韻。爲蒸之平聲。與東叶者。乃本部合三聲兼及四聲之叶也。則此外本韻各三聲之入聲。如東之與屋韻。不當先叶乎。推之而兩界通三聲之入聲。如東之與四部質五部緝等韻。不當亦叶乎。東之叶調。調在蕭韻。去聲爲嘯。與東叶者。乃屋嘯二韻回互。兩推兼及三聲之叶也。則此外止因嘯韻去聲。而及嘯之三聲。如

屋之與蕭韻止因屋韻而及屋之三聲如嘯之與東韻不皆當先叶乎。穀初不得其解。綱繹數四。脉縷始清。覆核毛書全部韻下各種叶法。原亦間見錯出。統以兩種概之。不得也。茲特審定。分爲六種。另作叶目如左。且卽論中上去倣此之語。就毛書所載外。廣搜羣籍與之合者。再逐細分條。各加類證。本西河之意而暢達之。西河有知。應亦必許可也。

一爲本韻各三聲兼及四聲之叶。

如有入十七韻東韻可叶屋韻而董韻送韻亦皆可叶屋韻也餘十六韻倣此

本韻平聲及入之證

國語無助天爲虐助天爲虐者不祥爲陽及藥國策厚者不毀人以自益也仁者不危人以要名也韓非子一手獨拍雖疾無聲華陽國志蠶叢詩日月明明亦惟其名誰能長生不朽難獲皆爲庚及陌楚辭大招代水不可涉深不可測只天白顚顚寒凝凝只爲蒸及職

本韻上聲及入之證

劉向九歎憂心展轉愁怫鬱兮
寃結未舒長隱忿兮爲吻及物

本韻去聲及入之證

易蒙卦象。勿用取女。行不順也。困蒙之吝。獨遠實也。左思蜀都賦。翩翩黃鳥。銜書來訊。人謀所尊。鬼謀所秩。皆爲震及質。劉向九歎。時溷濁猶未清兮。世淆亂猶未察。欲容與以俟時兮。懼年歲之既晏。爲諫及黠。

一爲本韻合三聲兼及四聲之叶

如有入第一部。東董送三韻。可叶沃覺藥陌。錫職六韻。餘平上去十八韻。悉可於本韻入聲外。叶本部之入聲也。第四第五部倣此。本部平聲及入之證。

詩魯頌闕宮及彼南夷莫不率從其敢不諾
魯侯是若爲東及藥詩大雅常武整我六
師以脩我戎旣敬旣戒惠此南國老子脩之
於國其德乃豐淮南子掩雉不得更順其風
皆爲東及職左傳引諺雖鞭之長不及馬
腹宋京房讖卯金十六草肅當王皆爲陽及
屋詩大雅蕩文王曰咨咨女殷商曾是彊
禦曾是掊克梁四張語克融卷稷是爲四張
梁京師語議論當如湘東王仕宦當如王克
皆爲陽及職北周書蘇綽引古語官省則
事省事省則民清官繁則事繁事繁則民濁
爲夷及覺隋文帝時杞州謠老永不早殺
餘種穢良田
爲先及黠

本部去聲及入之證

詩周頌清廟於穆清廟肅雝顯相濟濟多士
秉文之德爲濊及職綦母舍人語寧拒至

尊敕不敢違舍
人命爲敬及職

一爲兩界通三聲兼及四聲之叶

如有入第一部平上去二十一韻可叶第四

部質物曷月黠屑六韻第五部緝合葉洽四

韻而第四部平上去十八韻可叶第一第五

部入聲韻第五部平上去十二韻可叶第一

第四部入聲韻悉倣此

一部三聲及四部人之證

國策論不脩心議不累物仁不輕絕智不簡
功爲一部東及四部物魯仲連引諺百足

之蟲。三斷不厥。爲一部東及四部月。詩周
頌執競。執競武王。無競維烈。不顯成康。上帝
是皇。爲一部陽及四部屑。周武王時玉璽
文。水德將滅。木祚方盛。爲一部敬及四部屑
一部三聲及五部入之證。

詩邶風燕燕。燕燕于飛。頡之頡之。之子于歸。
遠于將之。瞻望弗及。佇立以泣。三國志魏文
帝引古語。患名之不立。不患年
之不長。皆爲一部陽及五部緝。

四部三聲及一部入之證

詩周頌良耜。殺時犉牡。有捄其角。以似以續。
續古之人。爲四部真及一部覺。鬼谷子女
愛不敝席。男歡不盡輪。爲四部真及一部陌。
法苑珠林。刀風解其體。無復出入息。貪識
隨善惡。受報甚苦辛。爲四部真及一部職。
國策引諺。嬖色不敝席。嬖臣不敝軒。爲四部

元及一部陌。詩周頌思文。思文后稷。克配
彼天。立我蒸民。莫非爾極。詩大雅假樂。假樂
君子。顯顯令德。宜民宜人。受祿于天。皆爲四
部先及一部職。逸詩嶠章。何自南極。至於
北極。絕境越國。弗愁道遠。爲四部阮及一部
職。王充論衡。崑山之旁。以玉抵鵲。彭蠡之
濱。以魚食犬。爲四部銑及一部藥。英雄記
魏武帝引里語。讓禮一寸。得禮一尺。爲四部
願及一部陌。詩周頌小毖。子其懲而毖後
患。莫予荍蜂。自求辛螫。爲四部諫及一部陌。
四部三聲及五部入之證。

王充論衡。無戚而憂。憂必及之。無慶而歡。歡
必還之。爲四部刪及五部緝。國策引諺。戰
勝而國危者。物不斷也。身大而權輕
者。地不入也。爲四部翰及五部緝。

五部三聲及一部入之證。

史照通鑑疏引諺足寒傷心。民怨傷國。爲五部侵及一部職。詩大雅抑。昊天孔昭。我生靡樂。視爾夢夢。我心慘慘。爲五部感及一部藥。

五部三聲及四部入之證。

宋鬪場語。鬪場禪師窟。東安談藝林。爲五部侵及四部月。

一爲回互因去兼及三聲之叶。

如御韻與屋韻爲回互通。因御韻而推之。則屋韻可叶御之平聲魚韻。亦可叶御之上聲語韻。不特屋韻凡入聲韻可與御韻回互。皆可叶魚叶語。且與他部無入去聲回互。叶平

叶上悉倣此。

因去聲及平之證。

詩周南漢廣南有樛木不可休息漢有游女不可求思爲因寘及支。詩小雅節南山君子如戒俾民心闕君子如夷惡怒是遠爲因未及微。宋赤火謠黑水流北赤火入西爲因霽及齊。詩小雅出車我出我車于彼牧矣自天子所謂我來矣爲因隊及灰。宋謝靈運謠四人挈衣裾三人挺坐席爲因御及魚。詩大雅縣乃召司空乃召司徒俾立室家其繩則直秦長水謠城門當有血城陷沒爲湖皆爲因遇及虞。宋檀道濟謠生人作死別荼毒將奈何爲因箇及歌。詩大雅思齊肆戎疾弗殄烈假不瑕不聞亦式不見亦入爲因禡及麻。詩小雅小旻我龜旣厭不我告猶謀夫孔多是用不集詩大雅瞻卬此

宜無罪。女反收之。彼宜有罪。女覆說之。皆爲
困宥及尤。蔣子萬機論。學者如牛毛。成者
如麟角。爲
因號及豪。

因去聲及上之證

詩周頌噫嘻。噫嘻成王。旣昭假爾。率時農夫。
播厥百穀。駿發爾私。終三十里。詩周頌潛有
醴。有鮪。鰈。鰕。鯉。以享以祀。以介景福。國語
引諺。兄弟譏。閔。侮人百里。韓非子。主妾無等。
必易嫡子。兄弟不服。必危社稷。北周書李遠
引語。不入虎穴。安得虎子。郭璞東海外大壑
讚。寫溢洞穴。膜昏龍燭。爰有大壑。號爲無底。
皆爲困寘及紙。詩周頌載芣。侯主侯伯。侯
亞侯旅。侯彊侯以。有賔其饒。爲因遇及語。
詩大雅瞻卬。人有土田。女反宥之。人有民人。
女覆奪之。爲因宥及有。宋鮑照頌引語。影
從表。瑞從德。爲因嘯及篠。詩大雅蒸民。王

命仲山甫。式是百辟。續戎祖考。王躬是保。爲因號及陪。

一爲回互因入兼及三聲之叶。

如質韻與寘韻爲回互通。因質韻而推之。則寘韻可叶質之平聲。眞韻亦可叶質之上聲。軫韻去聲。震韻不特寘韻。凡無入去聲韻。可與質韻回互。皆可叶眞叶軫叶震。且與他部入聲回互。叶平叶上叶去。悉倣此。

因入聲及平之證。

詩小雅常棣。兄弟鬩于牆。外禦其務。母有良朋。烝也無戎。後漢王君頌。脩德立功。四縣內。

附皆爲因屋及東。武王帶銘。火滅脩容。戒
慎必恭。恭則壽。爲因沃及冬。史照通鑑疏
引諺。福至心驚。禍來神昧。爲因錫及青。離
騷。長太息以掩涕兮。哀民生之多艱。余雖好
脩姱以鞿羈兮。謇朝諝而夕替。漢蕭朱語。蕭
朱結綬。王貢彈冠。皆爲因曷及寒。京師語
李元禮巖巖如玉山。陳仲舉
軒軒如千里驥。爲因歸及刪。

因入聲及上之證。

詩大雅召旻。俾疏斯稗。胡不自替。職兄斯引。
爲因質及軫。北齊訛言。軟脫帽。床底喘。爲
因錫
及銑。

因入聲及去之證。

梁史引諺。屋漏在上。知之在下。爲因藥及漾。
詩周頌般。敷天之下。裒時之對。時周之命。

爲因陌及敬。詩小雅雨無正。戎成不退。飢成不遂。曾我誓御。懔懔日瘳。凡百君子。莫肯用訊。聽言則答。懔言則退。爲因質及震。

一爲回互兩推兼及三聲之叶。

如嘯韻與屋韻爲回互通。從嘯韻屋韻兩推之。則蕭韻可叶東韻。亦可叶董韻。送韻而篠韻之叶東董送如之。東韻可叶蕭韻。亦可叶篠韻。而董韻送韻之叶蕭篠如之。凡無入去聲可與入聲回互者。其兩推而叶。悉倣此。兩推及兩平之證。

楚辭九章足登高吾不說兮。入下吾不能。因
朕躬之不服兮。然容與而狐疑。爲因寘職及
支蒸。詩幽風東山。我徂東山。惴惴不歸。我
來自東。零雨其濛。爲因未屋及微東。魏武
帝選令引諺。失晨之雞。思補更鳴。爲因霽陌
及齊典。晉王僧珍語。法護非不佳。僧珍難
爲兄。爲因泰陌及佳庚。詩大雅常武。王猶
允塞。徐方旣來。徐方旣同。天子之功。爲因隊
屋及灰東。道藏經。提攜高上賓。及我素靈
房。道場靈沐內。高歌登太虛。爲因御藥及魚
陽。詩召南騶虞。彼茁者蓬。一發五豝。于嗟
乎騶虞。爲因遇屋及虞東。詩陳風東門之
枌。穀旦于差。南方之原。不績其麻。市也婆娑。
爲因箇曷及歌元。詩周頌訪落。紹庭上下。
陟降厥家。休矣皇考。以保明其身。爲因禍質
及麻真。易林。衣繡夜遊。與君相逢。除患解
惑。使君不憂。爲因宥沃及尤冬。離騷。勉陞
降。以上下兮。求矩矱之所同。禹湯嚴而求合

今。擊臯陶而能調。爲因。肅屋及蕭東。詩小雅正月。彼有旨酒。又有嘉穀。洽比其鄰。昏姻孔云。爲因。效物及肴文。求哲勸農賦。惟百里之寘吏。各區別而異曹。考治民之賤質。美莫富乎勸農。爲因。號沃及豪東。

兩推及兩上之證

漢書敘傳。宣之四子。淮陽聰敏。舅氏籛條。幾陷大理。爲因。寘質及紙軫。潘岳射雉賦。算分銖。商遠近。揆懸刀。騁絕伎。爲因。寘物及紙吻。詩邶風。新臺。新臺有泚。河水惻惻。燕婉之求。籛條不鮮。爲因。霽屑及齊銑。又。新臺有泚。河水惻惻。燕婉之求。籛條不殄。爲因。隊屑及賄銑。韓愈許國公銘。上之宅憂。公讓太宰。養安蒲坂。萬邦絕等。爲因。隊錫及賄迴。漢唐山夫人安世房中歌。安世所樂終產。樂終產。世繼續。爲因。御黠及語潛。王逸九

思臨天衢兮長驪踵九陽兮戲蕩越雲漢
今南濟秣余馬兮河鼓爲因遇藥及廣養

兩推及一平一上之證

劉向列女傳安貧甘淡不求豐美戶不掩蔭
猶謚曰康爲因寘藥及紙陽東觀漢紀陳
忠疏引語迎新千里送故不出門爲因寘月
及紙元清泉謠高梁無上源清泉無下尾
爲因未月及尾元詩周頌臣工嗟嗟臣工
敬爾在公王釐爾成來咨來茹爲因御屋及
語東詩周頌有瞽有瞽有瞽在周之庭設
業設簋崇牙樹羽爲因遇錫及語青詩周
頌載見思皇多祐烈文辟公綏以多福俾緝
熙於純嘏爲因禡屋及馬東吳行白謠行
白者君追汝者驪馬爲因禡物及馬文詩
大雅江漢釐爾圭瓚秣一卣告於文人錫
山土田爲因宥屑及有先漢慶廉語前有
管鮑後有慶廉爲因效葉及巧鹽隋書楊

帝詔引古語疾風知勁草世
亂識忠臣爲因號質及皓真

兩推及一平一去之證

太玄經侯陽氣有侯可以進而進物咸得其
願爲因霽月及齊願易林城上有馬自名
破家招呼醜毒爲國災
患爲因禍黠及麻諫

兩推及一上一去之證

後漢書賈誼疏引語履雖鮮不加於枕冠雖
敝不以苴履爲因真質及紙沁詩周頌有
客有客宿宿有客信信言受之絜以絜其馬
爲因禍質及馬震三國志姜維引古語螻
蛇螯手壯士解其腕
爲因宥曷及有翰

右諸條證叠見者摘錄之僅見者急登之雖

穀所讀書少引有未全而六種叶法則無疑也茲選古詩中叶韻者不過四五十處以此發凡起例真乃朗若列眉

一東韻後論例一條

調叶讀同國叶讀公其不注反切者以通叶皆無正音可隨意讀也。如調入東韻則調讀同同他入蕭韻則同亦讀蕭類倣此

穀按西河此條專論叶音讀法雖已圓通尚多糾葛如一詩中疊押蕭韻而偶及東韻或

疊押東韻。而偶及蕭韻。則以少從多。調讀同。
同讀蕭矣。如止蕭東二韻。則何者當讀正音。
何者當讀改音乎。且今人按核古詩。則謂多
通者爲通。偶通者爲叶耳。在古人本無韻書。
焉知通叶。其改音於何證乎。故茲選中凡遇
叶處。一概不注改音。以添蛇足。

古詩賞析總目

卷一

唐詩

帝堯

二首

堯時老人

一首

堯時兒童

一首

無名氏

一首

虞詩

帝舜

三首

八伯

一首

夏詩

大禹

一首

商詩

微子一首

伯夷叔齊一首

無名氏一首

周詩

王季一首

武王九首

辛甲一首

正考父一首

甯越三首

優孟二首

孔子四首

伯牙一首

陸通一首

祝牧一首

宋城者 二首

華元 一首

卷二

周詩

成人 一首

楚漁父 三首

文種 四首

荊軻 一首

齊穰田者 一首

楚南公 一首

陶嬰 一首

杞梁妻 一首

韓憑妻何氏 三首

越人 一首

無名氏 六首

無名氏 四十首

言實林
卷三
秦詩

李斯 一首

卷三

漢詩

高帝 一首

武帝 五首

昭帝 一首

城陽王章 一首

項籍 一首

商山四皓 一首

韋孟 一首

李延年 一首

司馬相如 一首

蘇武 四首

李陵 三首

楊惲 一首

王昭君 一首

班婕妤 一首

卓文君 一首

卷四

漢詩

無名氏 二十五首

無名氏 九首

卷五

漢詩

無名氏 二十二首

卷六

漢詩

無名氏 十五首

後漢詩

梁鴻 一首

張衡 四首

朱穆 一首

蔡邕 三首

孔融 一首

辛延年 一首

宋子侯 一首

竇立妻 一首

蘇伯玉妻 一首

麗玉 一首

蔡琰
一首

卷七

後漢詩

無名氏
十首

丁令威
一首

蘇耽
一首

蜀漢詩

諸葛亮
一首

卷八

魏詩

武帝 七首

文帝 七首

明帝 一首

陳王植 十三首

卷九

魏詩

陳王植 二十首

王粲 一首

陳琳 一首

劉楨 三首

徐幹 二首

卷十

魏詩

應暘 二首

應璩 二首

繆襲 三首

左延年 一首

程曉 一首

阮籍 十二首

甄后 一首

吳詩

無名氏 一首

晉詩

宣帝 一首

司馬彪 一首

張華 二首

傅玄 四首

卷十一

晉詩

陸機 五首

陸雲 一首

潘岳 一首

張翰 一首

左思 十一首

張載 三首

張協 四首

曹攄 一首

王瓚 一首

郭泰機 一首

謝尚 一首

謝混 一首

卷十二

晉詩

郭璞 八首

王羲之 一首

吳隱之 一首

劉琨 九首

盧湛 一首

陶潛 二十四首

卷十三

晉詩

陶潛 三十二首

卷十四

晉詩

陶潛 十九首

左貴嬪 一首

謝道韞 一首

桃葉 一首

綠珠 一首

子夜 十一首

惠遠 一首

帛道猷 一首

廬山諸道人 一首

卷十五

晉詩

無名氏 二十七首

劉妙容 一首

宋詩

孝武帝 一首

南平王鑠 一首

顏延之 十五首

卷十六

宋詩

謝瞻 一首

謝靈運 十四首

謝惠連 二首

鮑照 九首

卷十七

宋詩

鮑照 十九首

吳邁遠 二首

沈慶之 一首

陸凱 一首

湯惠休 一首

劉侯 一首

沈玩 二首

鮑令暉 一首

無名氏 十四首

卷十八

齊詩

謝朓 二十四首

王融 五首

張融 一首

劉繪 一首

孔稚圭 一首

陸厥 一首

江孝嗣 一首

無名氏 二首

卷十九

梁詩

武帝 五首

簡文帝 四首

元帝 二首

沈約 七首

江淹 四首

范雲 四首

費昶 一首

任昉 二首

柳惔 一首

庾肩吾 三首

邱遲 一首

曹景宗 一首

卷二十

梁詩

何遜 九首

王僧孺 一首

吳均 四首

王藉 一首

劉孝綽 一首

劉孝威 一首

陶弘景 二首

虞羲 一首

王筠 二首

車敷 一首

王孝禮 一首

王樞 一首

王氏 一首

沈滿願 一首

無名氏 十一首

卷二十一

陳詩

後主 二首

陰鏗 二首

傅綽 一首

徐陵 二首

周弘正 一首

周弘讓 一首

江總 四首

章鼎 一首

北魏詩

溫子昇 一首

王容 一首

胡武靈后 一首

無名氏 二首

北齊詩

鄭公超 一首

蕭慤 三首

顏之推 二首

馮淑妃 一首

無名氏 二首

北周詩

庾信 八首

王褒 一首

卷二十二

隋詩

煬帝 四首

楊素 十二首

盧思道 一首

薛道衡 三首

虞世基 一首

孫萬壽 一首

尹式 一首

孔德紹 一首

孔紹安 二首

陳子良 二首

明餘慶 一首

呂讓 一首

侯夫人 一首

大義公主 一首

無名氏 一首

無名氏 二首